



**KOMMUNEQARFIK SERMERSUUMI
PISINIARTARNERMUT
NEQEROORUTEQARTITSINERMULLU
POLITIKKI**



KOMMUNEQARFIK
SERMERSOOQ



Kommuneqarfik Sermersuumi sinniisutut pisussaaffeqarnitsinni siunissami akisussaassuseqarnerunissaq puijuartitsinerunissarlumaluginiarpaput. Assigiinngitsorpassuutigut aallartisaareerpugut, politikikkut aammali allaffissornikkut.

Pisiniartarnermut politikkitta nutaap siunissami puijuartitsinerunissamik qitiutitsinitsinnik takussutissiivoq, aalajangiinerlutamanna kommunalbestyrelsitsinnit taakkulu kommunimik puijuartitsinerusumik ilusilersuinissamik kissaataannit taper-serneqarpoq.

Pisiniarnermut atatillugu aningaasaliissutinut innuttaasut-sinit tunniunneqartunut akisussaaffitsinnut tunniusimavugut. Tatiginninneq taanna akileraartartut aningaasaataannik pitsaasumik ammasumillu ingerlaavartumik atuiniartuarnissamik piumasaqaateqarfiuvoq.

Pisiniartarnermut politikki anguniagarput ersarippoq: pisiniarnermut malittarisassanik erseqqissunik ammasunillu pilersitsinissaq, aningaasaqarnikkuinnaq iluaqutissartaqanngitsunik sulisoqatitsinnulli aamma suliat ingerlarngannik oqilisaataasunik. Malittarisassanik taakkuninnga pilersitsinikkut pisiniartarnermut politikki ilusilersuinnassanngilarput aammali suleriaatsimik pitsaanerusumik, sulisunik piffissamillu ator-neqartunik anni-killisaataasumik pilersitsissalluta, innuttaasunut suliniutinullu pingaarutilinnut atassuteqarnitsinnik nukittorsaanissatsinnut atorsinnaasatsinnik.

Takorluugarput anguniakkani ataasiakkaani ilaassaaq. Kommu-nimi ataatsimoorluta niuerneq puijuartitsiffiusumik siunnerfe-qartumik sunniuteqarfigerusupparput. Pisiniarsinnaanerput siunissamik puijuartitsiffiusumik, kinguaariit tullissaasa pis-ariaqartitsinerinik matussusiisinnaasumik pilersitsinissamut atorusupparput.

Aningaasarsiornermi kaaviiartitsinermik, atoqqiiner-mik pingaar-titsiffiusumik aamma anguniagaqarpugut. Pisiniartarnermut isumaqatigiissutitsigut suliffissaqarniarnermikkut ajornartor-siutillit aamma peqataatitsisumik suliner-mi atugassarititaqar-nikkut tapersiinnisarput kissaatigaarput.

Pisiniartarnermut politikki taanna Kommuneqarfik Sermersuu-mi siunissami akisussaassuseqarnerulernissamut puijuartitsi-nerulernissamullu ilaavoq.

Avaaraq Olsen
Borgmesteri

Aallaqqaasiut

Kommuneqarfik Sermersooq Kalaallit Nunaanni pisortani pisis-artut annersaasa ilagivaat, ukiorpassuarnilu pitsaanerusemik pisiniartarnissaq sulissutigisimavaa. Aningaasaqarnikkut aamma avatangiisini aammalu inuuniarnikkut akisussaassuseqarneq aallaavigalugit suliaqartarpugut. Sermersuumi nalunnigilarput pitsaasumik aaqqissuussinikkut najoqqutaqarnissaq piu-masaqaataavoq, kommunimi pikkorinnerusemik sukkaneruse-millu pisiniartassasugut - innuttaasutsinnut, pisiniartarfitsinnut sulisutsinnullu iluaqutaasumik.

Sermersooq pisiniarnermi nioqqutinilu avatangiisinut mingut-sitsinngitsumik ingerlatsingaatsiarpoq, sulilu ingerlatseqqit-tariaqarluni. Pisiniarnerup ilaatigut kommunimi suliffeqarfina-nut nalinginnaasumik nioqqutinik sullissinissamillu ujartuineq aaqqiissuteqarfingissavaa, peqatigitillugu pisiniarnek avatangi-i-sinut mingutsitsinnginnissamut inuttullu akisussaaqataaner-mut niuernermi tamarmi inuiaqatigiinnullu sunniuteqassaaq iluaqutaassaaq.

Sermersuumi pisiniartarnermut politikki suliniutinut immikkut ittunut ukiuni tulliuttuni pingaarnersiorneqartussanut tunn-gaviliisuuvuq. Politikki aqutigalugu siunertaliisoqarsinnaavoq kommunimilu ingerlatsiviit, immikkoortut, paaqqinnittarfiit su-lisullu tamarmik ulluinnarni sulinerminni politikki innuttaasunut inuiaqatigiinnullu iluaqutaasumik ingerlateqqissinnaavaat. Matumani Pisiniartarnermut politikkip Kommuneqarfik Ser-mersuup Pisiniarnermut Neqerooruteqartitsinermullu politikki 2025-meersoq taarserpaa.

Sermersuumi Pisortaaqatigiit oqaatigaat;



Eqqortoq, eqqortumik amerlassusillit pisiarisassavagut, eqqortu-millu pisiniartassaagut. Tamanna pingaartillugu piujuartitsineq, avatangiisit aningaasaqarnerlu ingiaqatigiississinnaavagut. Naggataatigullu suliffeqarfik ingerlatsiviillu tamarmiusut ingiaqatigiissillugit sulitissavagut. Pisiniartarnermut sulias-saqarfimmit niuernermit tunngasunik oqaloqatiginninnerit piffissamik atuiffigineqarnerulissapput, taamaalilluta sul-i-pitsaanerusemik ineriartornissatsinnut tunngavissaqassagatta.

Akisussaassuseqarnerusemik piujuartitsillunilu pisiniartarnermut tunngatillugu arfineq-pingasunik pingaarnertut naleqartitat oqaasertalerpagut. Pisiniartarnermik aaqqissuussaaneq sun-niuteqarluartartoq sul-i-ingerlatiinnassavarput, tassanngaanniit Kommunimi meeqqerivinnut, atuarfinnut allanullu iluaqutaasu-nik assigiinngitsunik suleqateqarnermik qulakkeerneqartassaaq. Niuertunik oqaloqatiginninnikkut annertunerusemik nutaanik aaqqiissutissarsiorluta-lu nioqquteqartartunit nutaaliaaner-nik suleqatigineqarsinnaasunillu, pitsaanerusemik uatsinnut aaqqiissuteqarsinnaasunik, ujartuissaagut. Tamanna illoqarfits-inni nunaqarfitsinnilu tamanut atuuppoq, pitsaasumillu siumullu suliniuteqarnikkut suleqatigiinnissamik pisissussaaffiliivoq.



IMARISAI

Borgmesterip oqaaseqarnera Avaaraq Olsen.....	2
Aallaqqaasiut.....	3
Inuussutissarsiutit pillugit suleqatigiinneq.....	5
Najukkami niueqatigiinneq.....	6
Isumaqatigiissuteqarnikkut pisiniarneq.....	7
Isumaqatigiissutininik aqutsineq.....	8
Atuilluartumik pisiniarnerit.....	9
Pisiniartarnermi naleqartitat arfineq-pingasut.....	10
Tunngaviusumik akisussaaffiit peqatigiiffiillu.....	11
Inatsisitigut tunngaviusut.....	12
Isumaqatigiissutininik pilersuisunut suleqatigisanullu pissusilersornikkut ileqqorissaarnikkullu najoqqutassat pillugit isumaqatigiissusiorneq.....	13

Isumaqatigiissuteqarnikkut pisiniarneq

Pisiniartarnermut isumaqatigiissutit akinik sulinermilu atu-gassarititanik pitsaannerusunik qulakkeeriniarluni kiisalu isu-maqatigiissutissatut periarfissaasut pitsanngorsarniarlugit pisiortorfitsinnillu aqutsineq nukittorsarusullugu suliarine-qartarput. Isumaqatigiissut suunersoq apeqqutaatillugu Ser-mersooq isumaqatigiissummik atuuttumik atuinissaminut atituumik pituttugaasarpog. Taamaattumik pisiortortarfissatut isumaqatigiissuteqarfisaaanngitsunik sutigulluunniit atuineq, naammagittaalliuteqartoqarneranik kinguneqarsinnaavoq kaaviiartitanillu annaasaqarsimanermit taarsiiviginninnissamut aarlerinartoqarsinnaalluni.

Pisiniarnermut politikki pisiniarnermik Kiffartuussinermillu ajunnginnerpaamik ingerlatsisoqarsinnaaneranut kiisalu kom-munip niueqatigiinnermi piumasaqaatinik pitsaannerpaamik qulakkeerinnissinnaaneranut sunniuteqaqataassaaq, uku ata-at simut nalilersorneqarnerisigut:

- Akit
- Pitsaassuseq
- Nassiussinermut akiliinermullu piumasaqaatit
- Kiffartuussineq
- Qularnaveeqqusiineq
- Piujuartitsineq avatangiisillu
- Inuuniarnikkut atugarisat matumani sulisunut atugassarititat ilanngullugit

Peqatigitillugu pisiniarnermut politikki kommunip pisiortortar-fiisa kommunimik ataatsimoortutut niueqatitut - tamatigoortutut - isiginninnissaannik qulakkeerinnissaaq. Piumasaqaatit assi-giinngitsut taakku neqeroorutit ataasiakkaat apeqqutaatillugit nassuiarneqarput.

Immikkoortortaq, Neqerooruteqartitsinermut Isumaqatigiissuti-nullu pisiortorfinnut atugassarititat isumaqatigiissutigineqartut attanneqarnissaannut qulakkeerinneqataasarpog. Akiliinissamut piumasaqaatit, akit, Akiligassat allagartaasa ilusaat il.il.

Maleruagassanik pisiniartarnermullu isumaqatigiissutinik eqquutsitsineq

aleruagassanik pisiniartarnermullu isumaqatigiissutinik eqquut-sitsinissamut akisussaaffik kommunimi aqutsisuni sulisunilu tamaniippoq. Tamanna pisiniarnerit tamaasa pisariaqartitsineq kommunimi najoqqutassatut isumaqatigiissutini matussuser-neqarsinnaanersoq misissorneqartuaannassasoq isumaqarpoq. Matumani nioqqutissanik pisisoqarsinnaavoq kiisalu nioqqutis-sanik kiffartuussissutinullu attuumassutilinnik kommunip isu-maqatigiissuteqarfiginikuusaanik ujartuisoqarluni.

Pisiortornermi pisariaqartitat, isumaqatigiissutini pioreersuni matussuserneqarsinnaanngitsut neqerooruteqartitsisarneq pillugu inatsimmiissinnaapput. Neqerooruteqartitsinermut Isumaqatigiissutinullu Immikkoortortaq, pisiniartarnermut isumaqatigiissutitaqanngitsumik pisiniartoqarnissaanik pi-lersaarusiortoqartillugu matumanilu pisiniartarnermut isu-maqatigiissuteqartoqarnissaa pisariaqartillugu piaarnerpaamik ilanngunneqartassaaq. Tamanna annermik annertuumik pi-isoqassatillugu imaluunniit pingaarutilinnik pisisoqassatillugu atuuppoq. 50.000,00 koruuninik nalilimmik pisisoqartillugu nioqqutissaaq najoqqutassatut isumaqatigiissutip pioreersup iluani pisiarineqarsinnaanersoq misissorneqartassaaq, taama-anngippallu ikinnerpaamik niuerfinni pisiortortarfinnut mar-lunnut apeqquteqaasiortoqartassaaq.

Kommunip isumaqatigiissutai pituttuisut atorneqassapput, ma-tumani IT, interneti Hardwarellu allat kiisalu mobiilit ilanngullugit.

Neqerooruteqartitsinermut Isumaqatigiissutinullu Immikkoor-tortaq pisiortortarfinnut apeqquteqaatinik ersarissunik nassuiar-luakkanillu nassiussisoqarnissaanik qulakkeerisarpog kingornalu immikkoortortaq ingerlatsivilluunniit nammineq pissarsinissaaq pillugu aalajangiisarpog.

Aalajangiisinnaatitaanermut maleruagassat isumaqatigiissutini-lu atsiorderit Kommuneqarfik Sermersuumi piginnaatitsinermik agguataarinissamut pilersaarut naapertorlugu atsiordermut maleruagassanut atuuttunut maligutissapput.





Isumaqatigiissutininik aqutsineq

Kommuneqarfik Sermersuup aamma inuussutissarsiutigalugu pisiortortarfittut aqqissuussaasutut qitiutippai isumaqatigiissutininik aqutsineq inatsisinillu malitaqarneq.

Tassuunakkut qulakkeerumavarput, Sermersooq akilikkani malillugit pissarsitinnegassasoq, aammalu naapertuunnerusumik pisiortortartugut aammalu isumaqatigiissutigineqartut pitsaasumik atortarivut. Isumaqatigiissutininik aqutsineq nangittumik qitiutinnegassaaq isumaqatigiissutit atuuffia tamakkerlugu. Isumaqatigiissutissatut saqqummiunneqartoq neqerooruteqartitsissutaareerpat, aammalu akit isumaqatigiissutaareerpata neqerooruteqartitsinermi nassuiaatigineqartut malillugit piumasaqaatit immikkut ittut tunngavigalugit, taava isumaqatigiissutininik aqutsinermi qulakkeerneqassaaq, piortortarfiit isumaqatigiissumik naammassinninnersut. Pisariaqartitsisoqartillugu pisiortortarfik malinnaalluni ataatsimeeqatiginissaanik isumaqatigiissuteqarfigineqassaaq - aallaavittut ukiumut ataasarluni malinnaalluni ataatsimeeqatigalugu. Isumaqatigiissut ataaseq ataavartumik malinnaaffigissallugu pisariaqartinneqarpat, soorlu assersuutigalugu suliassap ajornakusoortuunera pissutigalugu imaluunniit kommunimi innuttaasut eqqarsaatigalugit mianernartuuppat, suleqatigiit ataatsimiinnissaq malinnaanissamillu ataatsimeeqatigiinnissaq alla aamma/imaluunniit malinnaanissami periusissiaq alla isumaqatigiissutigissavaat. Sermersuumi isumaqatigiissutininik malinnaanissaq aalajangersimasumik sulissutigineqassaaq, ataatsimoortumik pingaarnertut najoqqutassaqarnissaq qulakkeerniarlugu.

Compliance tassaavoq, isumaqatigiissutit eqqortut malillugit iliuseqarneq, aammalu isumaqatigiissutaareersut qanoq

atorluartiginerivut. Qitiutinneqartussaq tassaavoq kommunip pisiortornermut isumaqatigiissutaasa atornissaat pillugu illup iluani sungiusaaneq ilinniartitsinerlu. Isumaqatigiissutininik pitsaannerusumik atuutilersitsineq aammalu periarfissanik ingerlaavartumik qitiutitsinerup qulakkiissavaa piffissap isumaqatigiissuteqarfiusup iluani isumaqatigiissutininik pitsaasumik atorluaaneq. Sermersuumi annertusiartortumik elektroniskimik pisiniarneq atorineqarpoq, pisiassat amerliartortut qarasasiaq aqqutigalugu pisiniartarfinni pisiarineqarsinnaallutik. Tamanna isumaqatigiissutininik eqqoqqissaartumik atuinnissamik piumasaqaateqarfiuvoq, tassami pisiassat saqqummiutinn-ginnerini nalilerneqartarmata. Taamaaliornikkut eqaatsumik nukissatigullu sipaarutaasumik pisiortortarneq ingerlasalissaaq aammalu isumaqatigiissutininik aqutsinnissamut aammalu atuinnermut periarfissaqalissalluni assersuutigalugu soorlu pisiassatut innersuussutigineqartut aqqutigalugit aammalu pisiarumanerusat allattorsimaffilerlugit il.il. Isumaqatigiissutininik aqutsineq aammalu isumaqatigiissutininik malinninneq systemimi ikorfartorneqarput aammalu ingerlaavartumik nutaanik amerlanerusunillu isumaqatigiissuteqarnissaq sulissutigineqarpoq.

Immikkoortortaq, Neqerooruteqartitsinermut Isumaqatigiissutinullu, kommunip isumaqatigiissutininik aqutsissutaasa isumaqatigiissutininik, sinaakkutitut isumaqatigiissutininik atsioqatigiillunilu isumaqatigiissutit atornissaannut qulakkeerinissaq akisussaasuvoq.

Afdelingen, Udbud og Kontrakter, er ansvarlig for at kommunens kontraktstyringssystem anvendes til sikring at aftaler, rammeaftaler og kontrakter er opdateret.



Atuilluartumik pisiniarnerit

Kommuneqarfik Sermersooq mingutsitsinnginnerusumik pisiniartalissaaq.

Kommune neqerooruteqartitsigaangami tamatigut unammisitsinermi uuttuutitut mingutsitsinnginnissamik piumasaqaatit ilaatinneqartassapput: Taamatut tunngaveqarnikkut silaannaap pissusaanut avatangiisinullu piumasaqaatit unammisitsinermi uuttuutitut ilaatinneqarnissaat qulakkeerneqassaaq, kiisalu neqerooruteqartup nutaalianik piujuartitsisunillu aaqqiissutini tunniussisinaanera taamaalilluni nalilersorneqassasoq. Tamanna malinneqanngikkuni nassuiaateqartoqartariaqarpoq, assersuutigalugu tuniniaavimmik misissuinerit tunngavigalugit. Taamaalilluni mingutsitsisunngitsumik pisiniartarneq neqerooruteqartitsinerup ilagissavaa, taamaaliornermili neqerooruteqartitsisarneq pillugu inatsit malinneqassaaq.

Illiutsit

- Neqerooruteqartitsinerit 50 procentiini aningaasartuutit tamakkiisut (TCO) aamma atuinnissamik piumasaqaatit nalilersorneqartassapput: Ataatsimoortumik anguniakkanik aalajangersaasoqassaaq, kingusinnerpaamik 2025-mi pisiniartarnerit tamarmik 50 procentiini aningaasartuutit tamakkiisut pillugit tunngaviit aamma atuinnissamik piumasaqaatit, nutaaliorluni neqerooruteqartarnermik siuarsaasinnaasut, atorineqartassasut.
- Sermersuumi qaffasissumik pisiniartarneq pillugu ilinniartitaaneq tunngavigalugu piginnaasat pitsa-nerulersinneqarnissaat qulakkeerneqassapput
- Neqerooruteqartitsinerne pingaarteqarnerne tamani siumut niuertunik oqaloqatiginninnikkut nutaaliorneq piujuartitsinerlu pillugu ilisimasalik naluneqanngitsunillu katersisoqartassaaq
- Kommuneqarfik Sermersuumi pisiniartarnermi naleqartitat arfineq-pingasut nutaat ineriartortinneqassapput atuutilersinneqarlutillu
- Piujuartitsisumik Pisiniartarnermut Periusissiap siuariartortinneqarnissaa pillugu ukiumoortumik ataasiarluni, siullermik 2024-mi februaarip qaammatani, nalunaarusiortoqartassaaq. Pisortaaqatigiinnut AIA-mullu toqqaannartumik nalunaarusiortoqartassaaq.
- Tunniussinissamut nalilersuutit suli kinaassusersiorna-ni ersarissumillu ingerlanneqartarnissaat qulakkeerneqassaaq, taamaalilluni mingutsitsisunnginnissamut piujuartitsinissamullu piumasaqaatit pingaartinneqartassapput. Neqerooruteqartitsinermut tunngatillugu aningaasatigut angusat assigiinngisitaartut pillugit suliaqartarpugut. Akoorutissaqanngitsut, mingutsitsisunngitsut najukkamilu pisiniartarneq pingaartin-neruneqassapput.
- Inuiaqatigiinnut iluaqutaasinnaanissaa sapinngisamik neqerooruteqartitsinerne tamani ilanngunneqartassaaq. Aningaasaqarneq suli pingaartinneqassaaq, taannatuaannaassanngilarli.
- Aningaasatigut angusat akit qaffannerinik kinguneqartillugit imaluunniit maannakkoqqissaaq annertuumik aningaasaliissuteqarnissamut tunngatillugu, isumalluutit toqqarneqartut pillugit eqqarsaqqittoqarnissaa pisariaqarpoq. Isumalluutini toqqaanissamut atatil-lugu isumalluutini pisariaqartitsineq eqqarsaatigeqqikkaangatsigit ilaatigulluunniit pisariaqartitsineq annikillilikkaangatsigu imaluunniit aningaasaqarneq tamarmiuseq eqqarsaatigigaangatsigit tassuuna aningaasartuutaanerusinnaasoq aningaasaliiffigisinaavarput. Tunngaviumik piujuartitsinissaq toqqartassavarput, aatsaallu immikkut pisoqartillugu ileqqutoqqat malillugit toqqaasariaqarsinnaassaagut.
- Aningaasanik atorluaaneq tunngavigalugu kaaviiartitsineq periusissiatinnut ilaanissaa qulakkiissavarput
- Pissusilersuutitsinnik angusatsinnillu atortumik ator-sinnaasatsinnik suliaqassaaq.
- Suleriaqqinnissamut tutsuiginartumik paasissutisiilluartumillu tunuliaqarnissaaq pillugu atortussanik suliniutinillu pissarsiniartoqassaaq.



Kommuneqarfik Sermersuumi pisiniartarnermi naleqartitat arfineq-pingasut

Kommuneqarfik Sermersuumi pisiniartarnermi naleqartitat arfineq-pingasut tassaapput immikkoortortani aalajangersimasuni angusaqarfigerusutatsinnut naleqqatut atugassagut. Naleqartitat naligiipput, ataavartumillu ersarissunik neqeroorteqarfiusussanut tunngatillugu piumasaqaatinik, qanoq suullu naleqarnerutinneqarnersut pillugit, aalangiisoqartassaaq.

1 Pisiniartarnermut aaqqissuussaaneq pitsaanerulersinneqassaaq sunniuteqarluarnerulerlunilu.

Atuisut pingaartillugit pisiniartarnermut aaqqissuussaaneq pigaarput. Kommuneqarfik Sermersuumi tunngavigineqartut aalajangerneqartullu aallaavigalugit Piujuartitsisumik Pisiniartarnermut Periusissiap piviusunngortinneqarnissaa qulakkiissavarput.

2 Silap pissusaanut sunniutaasartut annikinnerusut

Pisiniarnermi toqqaasarnerput kommunip silap pissusaanut sunniuteqartarneranik annikillisaqaataassaaq.

3 Avatangiisit eqqarsaatigalugit piujuartitsineq

Avatangiisit eqqarsaatigalugit piujuartitsivugut, niuerfiillu avatangiisinut mingutsitsinngitsunik nioqqutissanik ujartuiffigine-ratigut sunniuteqarfiginiarsarivagut.

4 Akisussaassuseqartumik suliffimmi atugassaqaartitsineq

Kalaallit Nunaanni inatsisit malillugit akisussaassuseqarluarluni suliffimmi atugassaqaartitsineq qulakkeertarparput. Matumani ILO-mi isumaqatigiissutit nalilertarparput.

5 Suleqateqarneq aamma nutaaliorneq

Suleqateqarluta, piujuartitsineri nutaaliornikkut ineriartortitsinikkullu sulinissaq anguniarparput.

6 Sakkussaasivik

Pisiniartarnermut atortunik suli ineriartortitsissaagut aamma mingutsitsisuunngitsunik pisiniartarneq ersarinnerulersissa-varput - taamaalilluta pisiniartarnerput pitsaanerulersillugu.

7 Piujuartitsisumik mingutsitsisuunngitsumik pisiniartarneq pillugu attaveqaqatigiinnermik pitsaanerulersitsineq.

Attaveqaqatigiittarnerput pitsaanerulersissavarput aamma mingutsitsisuunngitsumik pisiniartarneq pitsaanerusoq anguniarlugu paasissutissat ilitsersuutillu qulakkiissavagut.

8 Pitsaasumik suleqatigiinneq pisiniarfigisartakkatsinnik pitsaasumik oqaloqateqarsinnaanermik piumasaqaati-taqarpoq.

Inuit pinsinnaatitaaffii avatangiisillu ataqqillugit illuatungeriit tamarmik suleqatigiinnermit pitsaasumik niunermik misigisaqas-sapput. Illuatungeriinnut pitsaasumik allannguisitsinissamut niuernikkullu ineriartortitsinissaq pillugu pitsaasumik oqaloqatigiissinnaaneq toqqammaviuvoq. Taamaattumik tusarnaarlualuni naligiillunilu oqaloqatigiinneq pingaaruteqarpoq, neqeroorteqartitsigaangattalu, isumaqatigiissusioraangatta piumasaqaateqaraangattalu pisiniarfigisartakkap isumaa ilanngunneqartassaaq.

Pisiortortarfik

Sermersuumi ilisimasaqartunik sulisoqarluni aammalu atuisut pingaartillugit pisiniartarnermut aaqqissuussaaneq pigaarput. Ilisimasaqartunik sulisoqarluni aaqqissuussaaneq pisiortortarnermi politikikkut suliniutit atuutilersinneqarnissaat pingaaruteqarluninartuuvoq. Sermersooq nunatsinni pisortat suliffeqarfiutaanni pisiortortartut anginerit ilagivaat, taamaattumillu kommunimi pisiffigisartakkanut suleqatigisartakkanullu ilisimasaqartunik sulisoqarluni pisiortortarneq sulissutigineqarpoq. Kommune sunik piumasaqaateqarnersoq erseqqissuullunilu malinnaaffigiuminartuussaaq.

Ilisimasaqartunik sulisoqarluni aaqqissuussaaneq aamma atuuppoq sulisunut, ulluinnarni pisiniartarnermik suliaqartunut, aammalu sulisunut, nioqqutissanik kiffartuussinernillu kommunip pisiaanik atuisunut. Taakkununga pisiortortarnermi isumaqatigiissutit eqqortut pisiortortarnermi systemimiittut ajornanngitsumik pisiniarfigineqarsinnaassapput. Taamaattumik kommunip pisiortortarfia ukkatarineqassaaq aammalu digitalinngorsaaneq annertusineqassalluni. Naggataatigut pitsaassuseq, nioqqutissat amerlassusiat aammalu isumannaatsumik tunniussineq qitiullunнарput, innuttaasut, Sermersuup ilisimasaqartunik sulisoqarluni pitsaasumik pisiortortarfittut aaqqissuussaananik misigisaqarnissaannut.

Sermersuumi qulakkeerniarneqarpoq, pisiortortarfiit pisiallu attanneqarsinnaanerit pillugu poqersumik oqaloqatigineqartassasut, akilersinnaassuseq, tamakkiisumik aningaasatigut naatsorsuinerit, aamma silaannaap pissusia aammalu avatangiisinut sanilliussisinnaaneq eqqarsaatigalugu. Malittarisassanik malinninnissaq, imarisai aammalu pisiortortarnermi isumaqatigiissutit akimorlugit atuisunut naleqquttuunissaat pitsanngorsaaffiginiarlugu, piginnaasanik ineriartortitsineq pimoorullugu sulissutigineqassaaq, suleqatigiinneq aammalu ingerlatsiviit akimorlugit ilisimasanik avitseqatigiinneq. Naggataasumik atuisut peqataatinneqarneri pisiortortarnermi suliaqarnermi atorluanaanermilu sanilliunneqarsinnaasut pingaarnersaraat.

Pisiortortarnerup iluani sunniuteqarluartumik sulinissaq aamma ukiumi aggersumi kommunip sunniuteqarluartumik sulinissamik anguniagaanik naammassinninnissamut immersueqataassaaq, pitsaannerusunik avatangiisinullu akornutaanngitsunik pisiortortarnermut atatillugu. Kommunip pisiarisartagai annertuut amerlasuullu nangittumik pitsaasumik akitigut qulakkeernissapput peqatigitillugulu, malittarisassanik malinninnermi qulakkeerneqassalluni, neqerooruteqartitsinerup pisiortortarnerullu piumasaqaatinut politikikkut aalajangerneqartunut aammalu pisiortortarnermi politikikimi anguniarneqartunut naammassinninnissaat.

Suliniuteqarfissat Sermersuumi ukkatarineqarniartut tassapput;

Pisiortortarfiup nangittumik suligasuartoqarnissaanut immersueqataanissaanik qulakkeerninneq. Pisiniartarnermi paasisutissat suliariniarpavut neqerooruteqartitsinerit pisiortortarnerillu qarasaasiatigut iluaqusersorniarlugit aammalu pisiniartarnermi ileqqut atuinerillu qitiutinniarlugit.

Suliffeqarfinnut paasisutissiisarnerit apisiortorfinnillu oqaloqateqartarnerit qitiutillugit sulineq.



Atuisut oqaloqatigisarnissaat aammalu suliassaqarfinni toqqakani naggataasumik atuisimasunik peqataatitsineq, taamaallitutik pisiassavut innuttaasunut sulisunullu sanilliunneqarsinnaasunngorlugit aaqqissuunneqarniassammata.

Suligasuarsinnaanerit aammalu attanneqarsinnaasunik ujartuinerit qulakkeerneqassasut isumaqatigiissutit malillugit aqutsinnermi ingerlaatsini naleqquttuni atuinnermi aqutsineq atorlugu sulinnermi atorlugu.

Neqerooruteqartitsineri aaqqissuussaananerup tamakkiisup ikorfartorneqarnissaa, suliit ingerlaneranni, aningaasaqarnikkut aammalu pisiortorfigisartakkanik suleqateqarnikkut.

Neqeroortitsisarnermut Isumaqatigiissutinullu immikkoortortaq pisiniarfigisartakkat peqatigalugit avataani aaqqissuussinernut peqataaneq ajorpoq imaluunniit inatsisinut aammalu ileqqorissaarnissaq pillugu najoqqutassanut naapertuutinngitsunut, pisortat pisiniarfigisartagaannut ammasumik ileqqorissaarfiusumillu tunngavilliisumik. Ileqqorissaarnissaq pillugu najoqqutassat aammalu suleqatigisanut ileqqorissaarnissaq pillugu najoqqutassat ilitsersuutitut politikkimut ilanngunneqarput.

Pisiniartarnermik tunngasunik suliaqarnermi akissusaaffik aaqqissuussaaneq pillugit tunngaviit

- Kommunip pisiniartarneranut tunngasunik aalajangiisarpog
- Pisiniartarnermut tunngasuni aaqqissuussaaneq pingaarneq pillugu aalajangiisarpog
- Neqerooruteqartitsisarnermut pisiniartarnermullu politikkimut tunngasut pillugit aalajangiisarpog, soorlu assersuutigalugu inummut tunngasunik, sulinermut tunngasunik, CSR-imut ilanngussanut tunngasunik, avatangiisinut, silaannaap pissusianut sulinermilu avatangiisinut piumasaqaatinut tunngasunut.

AIA, Aningaasaqarnermut Inuussutissarsiornermullu Ataatsimiititaq

- Suliat qulaani taaneqartut pillugit Kommunalbestyrelsimut innersuussuteqartarpog

Ingerlatsiviit

- Namminneq suliaasaqarfimmi iluini neqerooruteqartitsisarnermi pisiniartarnermilu nalilersuereernerup kingornagut sinaakkutissatut isumaqatigiissutit pillugit aalajangiisarpog, Pisiniartarnermut Isumaqatigiissutinullu immikkoortortamut attuumassuteqanngitsunik
- Pisiniartarnermi isumaqatigiissutitta atorneqarnissaanut inatsit malinneqarnissaat qulakkiissavaat
- Kommunip ataatsimoortumik isumaqatigiissutai pillugit neqerooruteqartitsinerup ingerlanissaanut immer-sueqataassappog, peqataasussanik atuisutullu suleqatigiinnik peqartitsinikkut, taamaasillutik ingerlatsiviit pisiortornissamut pisariaqartitaat naammassineqarni-assammata

Inatsisitigut tunngaviusut

Kommuneqarfik Sermersuumi aalajangiisinnaassuseqartoq tassaavoq Aningaasaqarnermut Ataatsimiititaq, taanna kommunip Pisiniartarnermut politikkaa pillugu aalajangiisarpog. Pisiniartarnermut politikki Ingerlatsinermut Aningaasaqarnermillu Aqutsinermut Najoqqutassiamut innersuussivoq, Imm. 21.

Nioqqutissanik sullissinermillu neqerooruteqartitsisarnermut aamma unammilleqatigiinnermut atatillugu "Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-imeersoq atuuppoq. "Illuliornermi sanaartornermilu immikkoortumi neqeroorutiniq pissarsiniartarnermut inatsit" Sanaartukkanut Avatangiisinullu tunngatillugu atuuppoq.

Allaqqunneqarsinnaanngitsumik piumasaqaataavoq kommunip neqeroortitsisarnermut malittarisassat tamaasa malinneqarnissaata qulakkeerneqarnissaat aamma tamanna isertuaatsumik pinissaata qulakkeerneqarnissaa ileqqorissaartumillu neqeroortitsinerup ingerlanneqarnissaa isumaqatigiissusiortoqarnissaalu. Piginnaatitsinermut pilersaarut suni tamani malinneqassaaq.



Isumaqatigiissutini pilersuisunut suleqatigisanullu pissusilersornikkut ileqqorissaarnikkullu najoqqutassat pillugit isumaqatigiissusiorneq

Pisiniarnermut neqeroornermullu politikkip nutaap ineriartortinneqarneranut atuutsilersinneqarneranullu atatillugu – isumaqatigiissutini pilersuisunut suleqatigisanillu suleqateqarnermi pissusilersornikkut ileqqorissaarnikkullu najoqqutassat pillugit aqqissuussisoqarnissaanik isumaqatigiittoqassaaq. Allakkiap matuma atsiornaranut atatillugu aningaasatigut imaluunniit isumaqatigiissutitigut kinguneqartitsisoqassanngilaq, kisianni immikkoortunut aalajangersimasunut Kommuneqarfik Sermersuup isumaqatigiissutini pilersuisunut pissusilersuutitut aamma ileqqorissaarnermut kissaatigisaannut malitassaassaaq.

» *Najoqqutassat Kommuneqarfik Sermersuup isumaqatigiissutini pilersuisunut suleqatigisanullu avatangiisinut tunngatillugu ilisimaarinninnermut, ileqqorissaartumik pissusilersornermut, peqquserlunnermut akiuinnermut, inuit pisinnaatitaaffiit, assigiinngiaartuinnermut peqataatitsinnermullu, sullivimmi isumannaatsuinnermut peqqissutsimullu, aningaasaliisinnaassutsikkut innarligassaanninnermut, niuernermit nakkutiginninneq aamma pillaatitut akiniutitut illersuinnermut atatillugu naatsorsuutigisaanumalittarisassanillu aalajangersaapput. Isumaqatigiissutini pilersuisunut suleqatigisanullu tunngatillugu pineqarput kikkulluunniit Kommuneqarfik Sermersuup assigiinngitsutigut niuernermit tunngatillugu attaveqarfii, innuttaasut minillugit.*

Isumaqatigiissutini pilersuisuni suleqatigisanilu ilaapput kisianni aningaasatigut suleqatigiinnissamik isumaqatigiissutitut, ingerlatseqatigiinnut suleqatigisanut, entreprenørinut, siunnersortinut, pisiortorfinnut allanut, niuertunut, kiffartuussissummik neqeroortunut, sinniisunut, akunnermiliuttunut, siammarterisunut imaluunniit tuniniaqqittartunut killeqanngillat. Najoqqutassat aamma Naalagaaffiit Peqatigiit nalunaarutaanni inuit pisinnaatitaaffiit aamma Naalagaaffiit Peqatigiit Sulisoqarneq pillugu Sulianiaqatigiiffiannit tunngaveqarpoq. Kommuneqarfik Sermersuup isumaqatigiissutini pilersuisut aamma suleqatigisat allat, suliamullu atatillugu pitsaassutsit, inatsisitigut piumasaqaatit tamaasa soorlu najoqqutassat pineqartut aamma naapertorlugit sulisoqassasoq naatsorsuutigineqarpoq. Isumaqatigiissutini aalajangersakkat aamma isumaqatigiissutini pilersuisut suleqatigisallu akornanni isumaqatigiissutit najoqqutassami aalajangersakkani akerliisinnaasunit salliutinneqassapput.

Avatangiisinut nassuiaat

Kommuneqarfik Sermersuup suleqatigisanut avatangiisinut miannertumik attaveqarnissaq siunertaraa aamma nioqqutaasa kiffartuussinerisalu avatangiisinut sunniutaasa millisinnissaat anguniarlugu. Suleqatigisanit avatangiisit pillugit inatsit atuuttoq malinneqassasoq naatsorsuutigineqarpoq, ajutoornissamut aamma toqusoqarnissaanum, atortut imaluunniit avatangiisit ajoqusernissaannut aarlerinartup annikillisinnissaanum isumannaallisaariaatsip pilersinnissaa saqqummiutissagaat, suliami avatangiisinut sunniuteqarnissaat annikillisinniarlugu periusissaqassasut, avatangiisinut akisussaanerulissasut, pilersuinnermut nakkutiginninneq aamma teknologinik pijuartitsisunik mingutsinngitsunillu ineriartortitsinnissamut kajumissaarissasut.

Ileqqorissaarnermut suleriaaseq

Kommuneqarfik Sermersuup isumaqarpoq peqquserlunnermut akiuineq, sullivimmi atukkat pitsaasuunissaannik aamma inuit pisinnaatitaaffiit illersuinnissamik qulakkeerinninneq innuttaasunniittoq, sulisuniittoq aamma ataatsimooqatigiit soqutigisaannik

illersuisoqassasoq. Inuit pisinnaatitaaffiit ataqqinnilluta naatsorsuutigaarput, suleqatigisatta sullivimmi inuit pisinnaatitaaffiit peqqissutsimut aamma isumannaatsuunissanum malittarisassagut malissagaat, tassunga ilanngullugit akissarsiat pillugit inatsit, akunnerit suliffiusut aamma ataatsimut iliuuseqarsinnaatitaaneq, meeqqanik sulisitsisoqannginnissaa aamma pinngitsaalilluni sulisitsisoqannginnissaanik qulakkeerinninneq, katersuunnissamut kiffaanngissuseqarneq tapersissagaat aamma sullivimmi immikkoortitsinnermut, nakuusernermut aamma akornusersuinnermut malittarisassanik ersarissaassasut.

Peqquserlunneq aamma ileqqorissaanngitsumik pissusilersornerit allat akiorniarlugit suleqatigisat toqqaannartumik toqqaannangitsumilluunniit aningaasanik, tunissutini nalinginnaasumit naleqarnerusunik Kommuneqarfik Sermersuup imaluunniit Kommuneqarfik Sermersuup sulisunum taarsiinnissamut neqeruussanngillat niuernermit aalajangiinnerit sunniuteqarfiginiarlugit.

Pilersuinnermit nakkutiginninneq

Pisuni, attuumassutilinni, Kommuneqarfik Sermersuup pilersuinnermi nioqqutit isumannaatsuunissaannik nakkutillineq pillugu akunnerminni isumaqatigiissutit pillugit paasissutissanik suleqatigisaminut piumasaqarsinnaavoq.

Sullivimmi isumannaallisaaneq peqqissuserlu

Kommuneqarfik Sermersuup sullivimmi isumannaatsuunissaq peqqissuserlu pingaartippai aamma suleqatigisaminut naatsorsuutigaa, niuernermit immikkoortuni tamani peqqissutsikkut isumannaatsuunissamullu pissutsinut isumaginninnermut malittarisassaliussasut.

Naatsorsuutigineqarpoq, suleqatigisat isumannaallisaanermut peqqinnissamullu inatsit atuuttut malinneqassasut, tassunga sulinerup isumannaatsuunissaanum, ajornartoornermi sillimaniarnermut, ajutoornernut napparsimananullu sulinnermut attuumassutilinnut, sulinnermit eqqiluitsuinnermut, timikkut oqimaatsumik assoroorartumilluunniit suliaqarsinnaanermut, maskiinanum assiaqusersuinnermut, perusersartarfinnut tunngasunum, nerisassanum ininullu tunngatillugu aalajangersakkat ilanngullugit. Suleqatigisat suliffeqarfinni sulisut pulaartullu isumannaallisaanermut atatillugu ulorianartorsiunnginnissaat qulakkeertariaqarpat, peqqissaartumik aarlerinartunik suussusiinnikkut, naliliinnikkut annikillisitsinikkullu. Kommuneqarfik Sermersuup naatsorsuutigineqarpoq, suleqatigisat peqquserlunnermut, allannguinnermut, pinngitsaalilluni akiliisitsisinnermut, aningaasanik paarsanik peqquserlunnermut, akiliilluni pinnerluuteqarnermut allatulluunniit peqquserluttut pissusilersornermut niuernermit pilersitsinissaq imaluunniit attassinissaq imaluunniit naleqqutinnngitsumik naapertuutinnngitsumilluunniit iluaqusernissamik siunertalinnut akuersaanngilluinnassasut.

Suleqatigisat qulakkiissavaat, sulisut akornusersorneqannginnissaat, qunusiarineqannginnissaat, qunusaarneqannginnissaat, pinngitsaalineqannginnissaat, immikkoortinneqannginnissaat allatigulluunniit pillaatitut akiniarneqannginnissaat, ileqqorissaarnissaq pillugu apeqqutitut, malittarisassanik malinneqqissaarnissamut assingusunulluunniit atatillugu imaluunniit pisunik assingusunik misissuinnermut sunniuteqaqataanissamut. Kommuneqarfik Sermersuup ingerlatsivimmi ammasumik pissuseqarnermut atatillugu aamma malittarisassanum allanut tunngatillugu tunngaviusunum tamanum isumaqatigiissutini pilersuisunum suleqatigisallu atsiugaannut malinnissaaq.